

Breytingartillaga

við frumvarp til laga um fjarskipti.

Frá meiri hluta umhverfis- og samgöngunefndar (VilÁ, NTF, BjarnJ, HSK, HVH, ÍÓI, OPJ, ÞorbG).

1. Við 5. gr.
 - a. 13. tölul. orðist svo: *Fjarskiptafyrirtæki*: Fyrirtæki í skilningi 4. gr. samkeppnislaga sem hefur tilkynnt Fjarskiptastofu um rekstur fjarskiptaþjónustu eða fjarskiptanets.
 - b. Í stað orðanna „þráðlausrar leiðsöguþjónustu“ í 46. tölul. komi: fjarleiðsöguþjónustu.
2. Í stað orðsins „og“ í 1. másl. 1. mgr. 6. gr. komi: og/eða.
3. Við 6. mgr. 12. gr. bætist: svo og aðild að evrópskum stefnuhópi um fjarskiptatíðnirófið.
4. Við 1. mgr. 25. gr.
 - a. Í stað orðanna „samþykkt hönnunargögn“ í 2. másl. komi: teikningar byggingar og/eða samþykkt húseigenda.
 - b. 3. másl. orðist svo: Í fjöleignarhúsum skal, eins og kostur er, verja aðgangspunkt og innanhússfjarskiptalagnir óviðkomandi aðgangi.
5. Í stað orðanna „6. og 7. gr.“ í 7. mgr. 38. gr. komi: 24. og 28. gr.
6. Við 2. mgr. 43. gr.
 - a. Við 1. másl. bætist: að teknu tilliti til innlendra aðstæðna, sérstaklega viðkomandi landfræðilegs markaðar, þar sem hliðsjón er m.a. höfð af eðli samkeppni í innviðum á tilteknu svæði í samræmi við ákvæði samkeppnislaga.
 - b. Í stað orðanna „Enn fremur“ í 2. másl. komi: Fjarskiptastofa.
7. Við 44. gr.
 - a. Í stað orðanna „allra viðkomandi samkeppnishamla á“ í b-lið 4. mgr. komi: alls samkeppnislegs aðhalds á viðkomandi.
 - b. Í stað 5. mgr. komi tvær nýjar málsgreinar, svohljóðandi:

Leiði markaðsgreiningin á grundvelli 1.–4. mgr. í ljós að skilyrði á viðkomandi markaði réttlæti ekki álagningu kvaða eða skilyrði skv. 6. mgr. eru ekki fyrir hendi, skal hvorki leggja á né viðhalda kvöðum á grundvelli 46. gr. Hafi kvaðir verið lagðar á fjarskiptafyrirtæki með umtalsverðan markaðsstyrk á viðkomandi markaði ber að fella þær úr gildi.

Telji Fjarskiptastofa á grundvelli markaðsgreiningar sem framkvæmd er í samræmi við 1.–4. mgr. að álagning kvaða sé réttlæt看anleg, skal stofnunin auðkenna fyrir-tæki sem hvert um sig eða í sameiningu hafa umtalsverðan markaðsstyrk, sbr. 45. gr., og leggja á, viðhalda eða breyta viðeigandi kvöðum í samræmi við 46. gr., ef stofnun telur að án kvaða muni útkoman fyrir endanotenda ekki hafa í för með sér skilvirka samkeppni.
 - c. Í stað orðanna „birta drög að ákvörðun“ í 1. másl. 7. mgr. komi: hafa tilkynnt fyrir-hugaðar aðgerðir til Eftirlitsstofnunar EFTA.
8. Í stað orðsins „neytenda“ í 1. mgr. 47. gr. komi: endanotenda.

9. Í stað orðanna „smásölustigi eða“ í 1. mgr. 48. gr. komi: smásölustigi og.
10. Í stað orðanna „rekur bæði fjarskiptanet og fjarskiptaþjónustu“ í 2. másl. 1. mgr. 51. gr. komi: er lóðrétt samþætt.
11. Við 1. mgr. 52. gr.
 - a. Í stað orðsins „of“ komi: óhóflega.
 - b. Á eftir orðinu „verðþrýstingi“ komi: endanotendum til tjóns.
12. Við 55. gr.
 - a. Á eftir orðinu „háhraðanet“ í 3. mgr. komi: sem falla undir 2. mgr.
 - b. Í stað orðsins „leggi“ í 4. mgr. komi: láti.
13. Í stað tilvísunarinnar „46.–52. gr.“ í 5. mgr. 56. gr. komi: 4. mgr. 46. gr. og/eða 47.–52. gr.
14. Við 2. mgr. 61. gr.
 - a. Á undan orðinu „undirverðlagningu“ í 2. másl. komi: skaðlegri.
 - b. Við 3. másl. bætist: í þeim tilgangi að vernda hagsmuni endanotenda og á sama tíma efla virka samkeppni.
15. Við 6. mgr. 62. gr. bætist nýr málslíður, svohljóðandi: Á meðal þess sem ráðherra getur kveðið á um í reglugerð eru nánari viðmið um virkni, gæði og tæknilega eiginleika sem netaðgangspjónusta skal að lágmarki búa yfir.
16. Í stað tölunnar „12“ í 1. mgr. 72. gr. komi: sex.
17. Við 1. mgr. 74. gr.
 - a. Í stað orðsins „Notendur“ komi: Endanotendur.
 - b. Við bætist nýr málslíður, svohljóðandi: Þrátt fyrir 1. másl. getur ráðherra í reglugerð skv. 4. mgr. kveðið á um undanþágu frá skyldu fjarskiptafyrirtækja til sundurliðunar reikninga í tilvikum þar sem gjaldtaka fyrir símaþjónustu er óháð notkun þjónustunnar.
18. Í stað orðsins „notanda“ í 1. másl. 1. mgr. 75. gr. komi: endanotanda.
19. Við 76. gr.
 - a. Í stað orðsins „Notendum“ í 1. mgr. komi: Endanotendum.
 - b. Í stað 5. og 6. mgr. komi ein ný málsgrein, svohljóðandi:
Fjarskiptastofa setur nánari reglur um númera- og þjónustuflutning, þar á meðal um tímasetningar í því sambandi og bætur til endanotenda í tilvikum þar sem mistök verða í flutningsferli síma- eða netaðgangspjónustu, misbeiting eða tafir verða í flutningsferli og vegna þjónustu sem ekki er veitt með umsömdum hætti. Fjarskiptastofa sker úr ágreiningi um framkvæmd númera- og þjónustuflutnings.
20. Á eftir orðinu „útbætur“ í 2. másl. 3. mgr. 79. gr. komi: á alvarlegum veikleikum.
21. Við 4. mgr. 86. gr.
 - a. Í stað orðsins „botnveiðum“ í 5. másl. komi: veiðum.
 - b. Í stað orðsins „gáleysi“ í 7. másl. komi: stórkostlegu gáleysi.
22. Á eftir orðunum „framleiðanda“ í 2. mgr. 87. gr. komi: þegar litið er á búnað allra fjarskiptafyrirtækja í heild sinni á landsvísu.
23. Við 94. gr.
 - a. Í stað orðsins „viðskiptavinum“ í 2. mgr. komi: endanotendum.
 - b. Í stað orðsins „notenda“ í 3. mgr. komi: endanotenda.
24. Í stað a–c-liðar 2. mgr. 95. gr. komi níu nýir stafliðir, svohljóðandi:
 - a. hlutfallslegan uppitíma kerfisins á ársgrundvelli eftir mismunandi kerfiseiningum,
 - b. viðmið um flokkun fjarskiptastaða út frá öryggissjónarmiðum,

- c. ráðstafanir til að tryggja öryggi í viðkomandi flokki, þ.m.t. varðandi varaleiðir og lágmarksvaraafli í rafgeymum eða vararafstöðvar eftir mismunandi flokkun fjarskiptastaðarins,
 - d. kröfur til gerðar og tegundar fjarskiptabúnaðar ásamt kröfum sem gerðar eru til framleiðenda búnaðar,
 - e. fyrirkomulag innra eftirlits,
 - f. tilkynningar til Fjarskiptastofu um öryggisatvik,
 - g. úttektir og prófanir af hálfu Fjarskiptastofu og aðgengi stofnunarinnar að upplýsingum,
 - h. þátttöku í samhæfingu fjarskiptafélaga og Fjarskiptastofu er varðar öryggi og almannavarnir og
 - i. skilyrði fyrir samstarfi rekstraraðila neyðar- og öryggisfjarskiptakerfis við önnur fjarskiptafyrirtæki um starfrækslu einstakra fjarskiptastaða, eða kerfishluta.
25. Í stað orðanna „eða 101. gr.“ í 3. mgr. 101. gr. komi: eða 102. gr.
26. Í stað orðsins „fjarskiptavirkjum“ í h-lið 1. mgr. 103. gr. komi: fjarskiptanetum.
27. Við 109. gr.
- a. Í stað „1. júlí“ í 1. mgr. komi: 1. september.
 - b. Á eftir 1. mgr. komi ný málsgrein, svohljóðandi:
Þrátt fyrir ákvæði 1. másl. 1. mgr. öðlast 4. mgr. 86. gr. þegar gildi.
 - c. Í stað orðanna „gilda um“ í 3. mgr. komi: um.
28. 110. gr. orðist svo:

Breytingar á öðrum lögum.

Við gildistöku laga þessara verða eftirfarandi breytingar á öðrum lögum:

1. *Lög um íslensk landshöfuðlén, nr. 54/2021*: Í stað orðanna „Póst- og fjarskiptastofnun“ í 2. mgr. 3. gr. laganna og sömu orða hvarvetna annars staðar í lögnum kemur, í viðeigandi beygingarfalli: Fjarskiptastofa.
2. *Lög um Fjarskiptastofu, nr. 75/2021*: Við g-lið 2. mgr. 15. gr. laganna bætist: og áformum um uppbyggingu fjarskiptaneta.